

列
仙傳
五





原件短缺

不起。向綱號之。夫人徑往虎前。虎以面向地。不敢仰視。夫人以繩牽虎歸。繫於床側。綱每共試。俱不能勝。將昇天。縣廳側有大皂莢樹。綱昇樹數丈。始能飛舉。夫人即平坐床上。冉冉如雲之舉。遂同昇天。樊夫人附

東陵聖母。海陵人。師事劉綱。得道。能易形變化。隱顯無方。適杜氏。杜不信道。常恚怒之。聖母時或理疾救人。而有所詣。杜恚愈甚。遂訟官出之。云聖母姦妖。不理家務。官收聖母付獄。頃之。從獄窓中飛去。衆望之。見轉入雲中。留所着履一。納在窓下。遠近立廟祠之。禱祈立効。常有青鳥在祭所。人有失物者。乞問所在。青鳥即集盜人之屋。因是路不拾遺。歲月弥久。亦不復爾。至今海陵人

不敢為偷盜之事。大者即風波沒溺，虎狼吞噬，小者即病傷也。

張昭成字道融，學道不解，每端坐室中。出神數百里外，能馴虎豹。晉咸康中，年一百十九歲卒，而尸溫溫如生。既葬，居人見白鶴穿墓而出，有彩雲盛之。後啓其墓，惟魁履在耳。

孟欽，洛陽人，得左慈劉根之術，百姓慕而趨之。苻堅召詣長安，復惡其惑衆，命苻融誅之。融乃設宴酒酣，目左右收欽，欽化為旋風而去。頃之，有告在城東，融遣騎追之，垂及忽又遠，或有兵拒之。或前有溪澗，騎不得過，遂不知所在。堅沒，復見青州。苻朗尋之，徂入海山，後仙去。



范豹。巴西閬中人。父於支江百里洲修煉。噓嗽有五色光。冬月惟着單衣。桓溫時。頭已斑白。至宋文帝時。狀貌不變。占吉凶驗如指掌。或問曰。先生殆謫仙耶。荅云。我曾見周武伐紂。初戰時。前歌後舞。文帝召見豹。荅稱我或稱吾。過太子宫。指宮門曰。此中有傅勞鳥。奈何養賊。文帝惡之。勅豹自盡。下尸江中。仍使埋於新亭赤岸岡。明年豹弟子陳志夜起。忽覩光明如晝。而見豹入門就榻坐。又一老翁後至。豹起迎之。志問是誰。豹笑而不荅。須臾俱出。文帝聞之。令發其棺。無尸。始悔異之。

交阯道士。萬州城南有道士。自言年九十九。交阯人。因渡海。船壞。結庵於此。養一鷄。大如倒挂子。日置枕中。啼即



夢覺又畜一狢孫。大如蝦蟆。以線係几案。問道士食已。即登几食其餘。又有龜。大如錢。置合中。時使出戲衣褶。間僧惠洪見之。戲曰。公小人國中引神道也。

王玄暉。沛人。同異人鄧伯元。學道於霍山赤城。受服青精石飯。目精丹景之法。積三十四年。乃內見五臟。夜中能書。晉穆帝永和元年正月十五日。天帝遣羽車迎之。玄暉與鄧伯元乘雲駕龍。白日昇天。云詔玄暉為中嶽真人。鄧伯元附。

謝仲初。袁州萬載人。修煉於閤皂山。得道而歸。過縣西。見其無水。拔劔刺地。湧泉甘潔。過江無舟。以竹葉渡之。後登謝山冉冉飛去。



馬儉扶風人博通經史秦甘露中從孫徹學道授以五符
真文斷穀服水行氣導引遂役使萬靈制御群邪姚萇
聞而異之徃召不至乃給之香燭一日天神降而言曰
法師勤修道業積有日矣必得度世後年九十八返真
而白雲舉焉

王嘉字子年隴西安陽人貌醜滑稽好語笑不食五穀不
衣美麗不與世人交隱于東陽谷鑿穴而居言未來事
多隱語如懺記當時人莫能曉事過皆驗苻堅南征遣
人問嘉嘉曰金堅火強乃乘使者馬正衣冠徐徐東行
數百步策馬馳反脫服棄冠履下馬踞牀而不言堅不
解更遣人問國祚云何嘉曰未央堅欣然以為吉徵明

年癸未堅大敗于壽春遂亡秦國是殃在末年也秦居
西為金晉居南為火火能爍金也嘉尋移嵩高山姚萇
與苻登相持萇問嘉曰吾將殺登天下可得否嘉曰略
得之萇大怒曰得當云得何略之有遂斬之及二弟子
先是萇遣使隴右逢嘉將兩弟子逍遙途中正是誅嘉
日也嘉仍作書與萇萇令發嘉及二弟子棺並無尸各
一竹杖而已

扈謙魏郡人精于易嘗在建康筮卜一卦百錢日限錢五
百以三百供母二百飲酒并施貧寒五百足則卦雖千
錢不筮也晉海西公見赤蛇蟠于御牀俄爾失蛇詔謙
筮卦謙曰晉室有磐石之固陛下有出失之象海西曰

可消伏否。謙曰。後年應有大將北征。失利。損三萬人。此
災乃消。後桓溫北征。敗績。還石頭。遂廢海西。立簡文。桓
溫安。產桓玄時。至艱。謙筮曰。公第六間馬埒。壞竟便產。
富是男兒。聲氣雄烈。後當震動四海。溫贈錢三十萬。夫
人亦贈三十萬。謙辭無容。錢處。溫不聽。後日筮三卦。養
母。溫錢日求。醉客不問。識與不識。一日母亡。謙辭酒家
許氏曰。因緣盡矣。安葬畢。遂去。數日許氏家人於落星
路邊見謙。卧地始謂其醉。捉手牽引。惟空衣無尸。
文斤。晉南昌人。號超然子。咸安中。為邵州高平令。遇異人
授以丹訣。遂弃官歸。康寧二年。仙去。

蘇衣子。姓李。名和。生而紺髮。美姿。稍長。厭世穢腐。遂入終



南山忽遇一道者。授以道秘。戒之曰。南陽之間。湍水之陽。有山靈堂。岩洞其旁。神開汝鄉。汝則往之。可以翕神于蒼茫。麻衣往求之。遇樵者。導其處。居洞中。十有九年。晉義熙間。大旱。居民張奭。率眾請雨。麻衣以無術。答之。請者不輟。是夕。有少年十二人。謂麻衣曰。若再請。但許之。麻衣怪而諾之。翌日。果大雨。十二人復來。拜曰。吾屬龍也。上帝以師道業成。令輔師行化耳。劉宋大明初年。百有一歲。儼坐而尸解。

豐去奢。衢州龍丘人。為崇仙宮道士。家住九峯山下。少學道術。精思忘疲。年三十餘。劉宋初年。隱處州嵩陽縣安和觀。觀即葉靜學道之所。觀北五里有卯山。高五十



丈世傳張天師及葉靜皆居此山修道。去奢慕前事，即結庵以居。山東南一方石，闊二丈餘。去奢常坐其上，拱默靜想。感神人謂之曰：張天師有斬邪劍一口，并石瓶貯丹，此石下可以取之。去奢謝曰：此石天設，非人力可加。自惟荒謬，山棲獲安，允蒙聖祐，丹之與劍，未敢輒取。神人肯首曰：但勤修無怠，劍丹當自致也。後三年，神人以劍丹付去奢。果張天師七星劍，丹貯石瓶中，約有斗餘，如麻子，紅色光明。去奢自服，或施病人，皆愈。時麗水縣人華造，因中和荒亂之後，擲土人據縣朝廷，遂授造刺史。造素兇肆，聞去奢神與丹劍，率兵圍其山，執去奢，并劍丹到州，藏其劍丹，而囚鑲去奢於空室。時方炎

暑，一月不通飲食，造謂去奢已斃矣。及開室，奢神色儼然，顏容紅白，愈佳於來時。造驚異，乃送去奢歸山，留其劍丹。當夜風雷，劍丹飛去，仍歸去奢所。居山十五年，自言雷雨只在山半，常見飛龍雷公電姥神鬼甚衆相見，咸致禮焉。又寄宿道觀，道士夜聞去奢所居室，若與人談話，竊窺之，惟聞異香環珮聲，或見有戴遠遊冠絳服螺髻，垂髮碧綃衣，男女數人共坐，侍從皆童男女，光明照身。復有神明遠伺於側，殊為虔敬。一日去奢告觀中道士曰：恐當離此山去，不能常相見也。後數日，有綵雲，鷲鳴，天樂滿空，徘徊山頂，俄有靈官駕五色龍鹿來迎，去奢白日昇天。山下居民咸得覩焉。

韓越南陵冠軍人。心慕神仙。形類狂愚。隨師長齋。誦詠口
不輟響。常着屐。行無遠近。入山或數百里。當日輒還家。
人每問。未嘗實對。後鄉人斫木作弓。於大陽山絕岸
石室中。見越與六七仙人讀經。越後自山中還。至巒村
暴亡。家迎喪。覺棺輕。發看惟竹杖耳。宋孝武大明中。越
鄉人為臺。將北使於青州南門。遇越容貌更少。訪問親
故存亡。共語移時。又云。吾婦患嗽。不差。今寄散藥一囊。
令温酒頓服之。臺將還。具傳越言。越婦服散。嗽即愈。
孫博河東人。好讀書。善屬文。晚學道。創使草木皆為火光。
行水中。衣不沾濡。人有疾。指之言。命即愈。出入山間石
壁。如有穴者。後入林慮山。合神丹仙去。



孫遊岳東陽人。潛神希微。宋太初中。遇簡寂先生。授以三洞經法。後茹芝。却粒。顏色精爽。久而愈少。齊末明初。詔主興世館。由是奇逸之士。爭相趨赴。後安坐羽化。門弟子數百人。惟陶弘景為入室。

陶弘景字道明。秣陵人。初母夢青龍自懷而出。兩天人皆傍執香爐。已而有娠。生而幼有異操。十歲見葛洪神仙傳。晝夜研尋。便有養生之志。謂人曰。仰青雲觀。白日不覺為遠矣。父為妾所害。終身不娶。及長。身長七尺七寸。神儀明秀。朗目踈眉。細形長額。聳耳。耳各有七十餘毛。出外二寸許。右膝有數十黑子。作七星文。讀書萬卷。一事不知。以為深耻。善琴棋。工草隸。弱冠齊高帝。作相引。



為諸王侍讀。雖在朱門。閉影不交外物。惟以披閱為務。家貧。求宰縣。不遂。永明十年。脫朝服。掛神武門。上表辭。祿。詔許之。敕所在。月給苧布五斤。白蜜二升。以助服餌。公卿祖之。供帳甚盛。咸云。宋齊以來。未有斯事。朝野榮之。乃止于句容之茅山。其館號曰華陽隱居。書札即以隱居代名。始從東陽孫遊。嶽受符圖經法。徧歷名山。尋訪仙藥。每經澗谷。必坐卧。其間吟詠盤桓。不能已。謂門人曰。向來明中求祿。得輒差舛。若不爾。豈得為今日之事。不惟身有仙分。抑亦緣勢使然。沈約為東陽守。高真志節。累書邀之。竟不至。弘景為人。貞通謙謹。出處冥會。心如明鏡。遇物便了。言無煩瑣。人亦隨覺。永元初。架三

層樓。弘景處其上。弟子居其中。宿客至其下。與物遂絕。惟一家僮得至其所。元帝驕射。時皆不為。在可致。至而已。特愛松風。庭院皆植松。每聞其響。欣然為笑。有時獨游泉石。望見者咸以為仙人。性好著述。尚奇異。願惜光陰。老而彌篤。尤明陰陽。五行。風角星筭。山川地理。方圓產物。醫術本草。帝代年。正深慕張良為人。每云。古賢無比。齊末有謠曰。木丑木。何梁字。及梁武禪代。弘景援引圖讖。數處皆成梁字。令弟子進之。武帝既早與之游。即位後。恩禮愈篤。及得神符秘訣。以為神丹可成。而苦無藥物。帝給黃金朱砂。曾再雄黃等物。乃合飛丹。色如霜雪。服之體輕。帝服亦有驗。益敬重之。屢加禮聘。並不就。

惟畫兩牛。一牛散放水草之間。一牛著金籠頭。有人執繩以策驅之。武帝笑曰。此人欲數曳尾之龜。豈可復致國家每有大事。無不咨之。時謂山中宰相。年逾八十。無異壯容。仙書云。眼方者壽千歲。弘景末年。一眼有時而方。曾夢佛授其菩提記。云名為勝力菩薩。乃詣鄆縣阿育王塔自誓。受五大戒。後簡文帝臨南徐州。欽其風素。退居後堂。召之。弘景葛巾進見。與談數日而去。帝甚為敬異。其弟子桓闓得道。符昇天。弘景問曰。某行教修道。勤亦至矣。得非有過。尚淹延在世乎。乃托闓探之。闓昇天。後還謂弘景曰。師之陰功極著。但所修本草。多用蛭。蛭水蛭之類。功雖及人。亦傷物命。以此一紀。後方得解。


形拂世。為蓬萊都水監。耳。弘景復以草木之藥可代物命者。著別行本草三卷。以贖其過。一日無疾。自知應逝。一逆尅亡日。仍作告逝詩。大同二年。年八十五。顏色不變。屈伸如常。香氣累日。氤氳滿山。所著有學苑百卷。孝經論語集註。帝代年曆。本草集註。効驗方。肘後百一方。今古州郡記。圖像集要。王匝記。七曜新舊術疏。占候合丹法式諸書。行于世。

桓闓者。不知何許人。役事陶隱君居茅山十餘年。立性端謹。執役之外。寂然無為。一日有二青童。一白鶴。自空而下。集于庭。隱君欣然而接。謂必已當之。青童曰。太上所召者。桓先生耳。隱君默計。門人皆無姓桓者。頃之云是。

執役桓闔。詰其所致曰。帝脩默朝之道。親朝大帝已
年矣。闔乃服天衣。駕白鶴。昇虛而去。如前云云。
寇謙之。昌平人。少遇仙人。成功與。與之遊。高華拾仙藥。遂
隱嵩陽。元魏始光中。召至闕。崔浩師事之。一云謂弟子
曰。昨夢功與。召我于中嶽仙宮。遂坐化。有青氣如煙。從
口出。至半天。乃消。其體漸縮。識者謂其尸解。後東郡高
猷。見謙之在高山。身作銀色。光明如日。始知其為仙矣。
一云功與嘗出遊。謂謙之曰。吾去後。當有人持藥。以遺
。但食之。果如所言。視其藥。皆臭虫。惡物。謙之難之。其人
還以對。功與嘆曰。謙之未易得仙耶。一日功與謂謙之
曰。吾明日午時當去。子奉為沐浴。自當有人見迎。功與



即入石室而卒。其親為沐浴浴畢果有扣石室者。之出視見二童子。一持法服。一持鉢杖。謙之引入至功。與尸所功。與倏然而起。着衣持鉢執杖而去。魏明帝神。瑞二年。一日老君乘白馬車。九龍驂駕降嵩陽山頂。命。仙伯王方平引謙之至前曰。汝向道殊虔。今授汝天師。之任。汝其勉之。又遇神人李譜文云。老子之玄孫也。授。以圖籙真經六十餘卷。自是道益精。羽化而去。成功與。韋節。京兆杜陵人。後魏時。棄官謁趙法師入華山。因號華。陽子。餌黃精。撰三洞儀序。老子易論。周武帝賜號精思。法師有白鶴臨壇。天和四年。忽彩雲如蓋。覆其廬。節曰。吾當乘此而去。遂化昇。



韋節

鹿皮翁淄川人少精木工岑山上有神泉人不能至也翁於泉上作轉輪閣又於山顛作祠舍留止其傍七十年一日下山呼宗族六十餘人上山半俄淄水盡漂一郡後百餘年復賣藥于市。

王知遠系本琅琊父彙選陳揚州刺史母晝夢鳳集其身有娠浮屠朱寶誌謂彙選曰生子當為世外士後知遠警敏通書得侍陶弘景傳其術為道士後主聞其名召入甚見咨挹隋煬帝亦執弟子禮又嘗識唐太宗於微時貞觀初詔即茅山為觀居之忽謂弟子曰吾今署少室仙伯矣將行沐浴衣冠若寤而卒時年一百二十六歲云。

張岳字巴王齊封川縣人官至司空慕長生久視之方一家齋戒誦大洞真經持二百大戒二十年有神人持杖至岳家謂岳曰吾葛洪也奉上帝命授子金丹火鼎之訣汝可秘而行之以濟貧苦他時功滿再相見也後點石為金日濟孤老貧困梁武天監二年秋夜半聞空中喚岳云清晨可挈家入山岳遵神言全家而往惟留使女盧瓊在家至辰巳間有一道流身生疥癩問盧女曰司空在否曰司空入山未歸問酒庫何在盧女之道者脫衣入酒缸中浴疥癩良久而去且謂傳語司空葛道士特來相訪司空歸聞之喜甚謂有異香遂令合家飲之惟盧女見其浴托疾不歸司空

飲罷乃沐浴更衣。集諸弟子曰：上帝召予，今將與汝辭矣。言訖，祥雲擁鸞鶴下迎，舉家八十餘口，白日昇天。惟盧女至半空，從雲而墜，繼上帝命女為土地，以守仙壇。萬振，字長生，南昌人，得長生久視之道。顯晦齊梁間。人莫知其年，或云是旌陽藥巴之徒。唐高宗時，漁者得青石，長七尺，扣之有音樂聲，郡守獻于朝。高宗命碎之，得二劍，鐔上刻天師姓名，帝異之，召見曜日殿，後尸解于京師。數日啓棺，惟有一杖一劍，詔以銅函盛劍杖，葬于西山天寶洞之側。

鄧郁，隱居衡山三十餘載。魏夫人乘雲而至，謂郁曰：君有仙分，故來相訪。天監十四年，忽見二青鳥，如鶴大張翼。



鳴舞移晷方歇。郁謂弟子曰：青鳥既來，期會至矣。乃乘青鳥而去。

羅郁，號萼，綠華九疑山得道女也。梁簡文帝時，降黃門郎羊權家，贈權詩及火浣布。金玉縹脫各一時。已九百歲。幸昉，蜀人，夜泊涪陵江，忽遇龍女，遣騎迎入宮。後昉登第，十年知蒲州。龍女復遣書相迎，云：敕命昉充北海水仙。曾文迪，雩都人，天文識緯，黃庭內景之書，靡所不究。而地理尤精。梁貞明間，遊至袁州府萬載縣，愛其縣北西山，謂其徒曰：死葬我于此。卒，葬其地。後其徒於豫章復見之如初。

徐則，東海剡人，沉靜寡慾，少懷栖隱之志。入緇雲修道，且



久太極徐真人降。謂曰：汝年出八十，當為王者師。然後得道。因廬天台山絕粒。所資惟松朮而已。隋煬帝為晉王鎮揚州時，以書召之。謂門人曰：吾今年八十一，而王召我。徐真人之言驗矣。既至，晉王請授道法，辭以時日不利。其夕忽返真。王使人送櫬還天台。江都道中，人見其徒步歸者，則至天台以經書道法遺弟子。仍掃一室曰：當有客使至，宜延之于此。乃跨石梁而去。時年八十二也。明日果使者至，後晉王使圖其形，命柳誓為贊。蕭子雲，字景慕，南齊高帝之孫，封郡公，好仙術，師事杜曇。未頗得其秘，兼善草隸，名重一時。忽有神人降，言郁木坑可以久居，乃移家寓焉。一旦上帝賜玉冊封為玄洲

長史，後人入其居址，往往有見之者。

楊義，句容人，學道于茅山，後師魏夫人。太和十三年，乘雲


上昇，為東華上佐。

白鶴道人，梁武帝時方士，愛舒州潛山奇絕，特有浮屠寶誌者，亦欲之。武帝命二人各以物識其地，得者居之。道人以鶴止處為記，寶誌以卓錫處為記。已而鶴先飛去，忽聞空中飛錫聲，遂卓於山麓，而鶴復止他處。遂各以所識築室焉。

王延，字子元，扶風人，九歲即好道，師焦曠真人，授三洞秘訣，惟松養水飲。周武帝召至都，久之得請還山，嘗寓西岳之油，乃置一器，經夕自滿。凡賓客將至，先有二青鳥

報之居處常有虎豹馴遶若相保衛隋文帝禪位置仙
都觀詔延主之仁壽四年春謂門人曰吾欲歸西岳但
恐上未許乃委化于仙都觀帝遣使護葬于西岳及就
壙但空棺而已

季順與。柱陵人。年十五。乍愚。乍知。言未來事多中。常冠道
士冠。好飲酒。蕭寶寅反。召問曰。朕至可幾多年。對曰。天
子有百年者。有百日者。及寶寅敗。裁百日也。其黨棒殺
順。與置城隍中。頃復起如初。又嘗卧太傅梁覽家。以衣
倒覆身上。及覽通使東魏。事覺被誅。其衣倒覆。果如順
與之為。又嘗乞驪山下廢地。十周文。周文曰。何用。曰。有
用。未幾。周文至。温湯。遇患。卒于其地。



孫思邈華原人。七歲日誦千言。獨孤信見之曰。聖童也。觀
器大難為用耳。及長好談老莊。周宣帝時。以王室多事
隱於太白山。學道鍊氣養神。求度世之術。洞曉天文推
步。精究醫藥。務行陰德。偶見牧童傷小蛇。血出。思邈脫
衣贖而救之。以藥封裹。放於草內。旬餘出遊。見一白衣
少年下馬拜謝曰。吾弟蒙道者所救。思邈未即省。少年
復邀思邈至家。易以已馬。偕行如飛。至一城郭。花木盛
開。金碧炳耀。儼若王者之居。少年延思邈入。見一人。衿
纁。絳衣侍從甚衆。忻喜趨接。謝思邈曰。深蒙道者厚恩。
故遣兒子相迎。因指一青衣小兒云。前者此兒獨出。為
牧豎所傷。賴道者脫衣贖救。得有今日。乃令青衣小兒



拜謝思邈始省昔日脫衣救青蛇之事。潛問左右此為何所。對曰此涇陽水府也。絳衣王者命設酒饌妓樂宴思邈。思邈辭以辟穀服氣。惟飲酒耳。留連三日。乃以輕綃金珠相贈。思邈堅辭不受。乃命其子取龍宮奇方三十首與思邈。曰此可以助道者。濟世救人。復以僕馬送思邈歸。思邈以是方歷試皆効。乃編入千金方中。隋文帝徵為國子博士。不就。嘗察謂人曰。過此五十年當有聖人出。吾方助之以濟生民。至唐太宗召。始詣京師。上訝其容少。曰。故知有道者誠可尊重。羨門之徒。豈虛言哉。永徽三年。年已百餘歲。一日沐浴。衣冠端坐。謂子孫曰。吾今將遊無何有之鄉矣。俄而氣絕。月餘顏色不變。

及入棺。唯空衣焉。後明皇幸蜀。夢思邈乞武都雄黃。即命中使齎十斤送於峨眉頂上。中使上山未半。見一人幅巾被褐。鬚眉皓白。二青衣童。丸髻夾持。指大盤石曰。可置藥於此。石上有表錄謝皇帝使視石。上大書百餘字。遂錄之。隨寫隨滅。寫畢。石上無復字矣。須臾白氣漫起。因忽不見。成都有僧誦法華經甚專。雖兵亂卒不能害。忽一日有僕人至云。先生請師誦經。經過煙嵐中。入一山居。僕云。先生老疾起遲。請誦經至寶塔品。欲一聽之。僧誦至此。先生出。野服菽藜。兩耳垂肩。焚香聽經。罷。遂供僧以藤盤竹箸。林飯一盂。杞菊數甌。僧食之絕無益酪味。美若甘露。復贈錢一緡。僕送出路口。僧因問

曰先生何姓曰姓孫曰何名僕於掌中手書思邈二字
僧大駭視僕遽失不見視錢皆金錢也僧自此身輕無
疾宋真宗時僧已二百餘歲後莫知所之
黃子陽後魏人知長生之訣住博落山中九十餘年但食
桃皮飲石中黃水後司馬季主以導仙八方傳之遂能
度世。

趙真人名昱得仙教隱於青城山隋文帝聞詔使聘之以
為蜀郡太守郡有冷源大河河藏毒蛟蛟動則河決傷
人端陽日真人命千兵鳴金鼓于河上遂下水斬蛟頃
之見太守右手執劍左手執蛟頭而出時同入水者六
人。人因號為七聖及隋亂復隱去。
搜神記云卽淮
口二郎神也

趙真人



潛翁隋開皇中。鍊形於漳州石壁山。養白蠟。以自隨後。不知所終。


岑道願。江陵人。隋末。避難至三峽。隱萬州岩。常食黃精。罕見喜怒。百餘歲。膚若冰雪。積二十年。蛻迹而去。

崔之道。舒城人。為真源宮道士。嘗見二仙人對奕。與一棋子。令吞之。自此言禍福。輒應。後尸解去。

瞿夫人。豫章人。隋末。兄為辰州刺史。有黃元仙者。自豫章來。刺史素高其行。以夫人妻之。復薦其才德。以自代。隋亡。乃弃官。與夫人隱于州西之羅山。貧甚。為人傭織。以養其姑。如此者十年。一日忽謂元仙曰。昨有帝命。當與君別矣。俄化為青氣。數丈騰空而去。



張果隱於恒州中條山。往來汾晉間。得長生秘術。耆老云。為兒童時見之。已百數百歲。常乘一白驢。日行數萬里。休息時折疊之。其厚如紙。置于巾箱中。乘則以水噀之。復成驢。唐太宗高宗徵之不起。武后召之。出山。佯死於妬女廟前。時方炎暑。須臾臭爛。生蟲。於是則天信其死矣。後有人於恒州山中復見之。開元二十三年。明皇詔通事舍人裴晤。馳驛於恒州迎之。果對晤氣絕而死。晤乃焚香。宣天子來迎之意。俄頃漸蘇。晤不敢逼。馳還奏之。復命中書舍人徐嶠。通事舍人盧重玄。齎書迎果。果到東京。於集賢院安置。備加禮敬。公卿皆往拜謁。帝問神仙不荅。善息氣。累日不食。數飲酒。上賜之酒。辭曰。



小臣飲不過二升。有一弟子可飲一斗。明皇聞之喜。令召之。俄頃一小道士自殿簷飛下。年可十五六。美姿容。步趨閑雅。謁見上。言辭清爽。禮數臻備。明皇命坐。果曰。弟子當侍立。明皇愈喜。賜酒飲。及一小斗。果辭曰。不可。更賜過度。必有所失。致龍顏一笑耳。明皇因逼賜之。醉。酒從頂上湧出。冠衝落地。忽化為金盃。上及嬪御皆驚。笑視之。失道士矣。但金盃在地。驗之。乃集賢院中盃也。盃僅貯一斗酒。累試仙術。不可窮紀。果嘗言我生堯丙子歲。位侍中。其貌若六七十許。時邢和璞善知人天壽。師夜光善視鬼。帝令和璞推果壽。則懵然莫知。密使夜光視之。不見果所在。帝謂高力士曰。吾聞飲董而無苦。

者奇士也。時天寒。因取以飲。果三進。頽然曰。非佳酒也。乃寢。頃視齒焦縮。顧左右取如意擊墮之。藏帶中。出藥傳之。良久齒復出。粲然如玉。上狩咸陽。獲一大鹿。將令大官烹之。果曰。此仙鹿也。已滿千歲。昔漢武帝元狩五年。臣曾侍從。畋于上林。獲此鹿。乃放之。上曰。鹿多矣。時遷代變。豈常存乎。果曰。武帝放之時。以銅牌誌於左角下。遂命驗之。果有銅牌二寸許。但文字凋落耳。上曰。元狩是何甲子。至此年凡幾。果曰。是歲癸亥。始開昆明池。今甲戌。八百五十二年矣。上命太史校其曆畧。無差焉。上問葉法善曰。果何人也。答曰。臣知之。然臣言之。即死。故不敢言。若陛下能免冠跣足救臣。臣方敢言。上許之。

法善曰混沌初分白蝙蝠精言未絕七竅流血僵仆於
地上遽詣果所免冠跣足自稱其罪果徐曰此兒多口
過不罰之恐泄天地之機耳上復哀懇久之果以水糝
其面法善即時復生帝益重之詔圖形集賢院號通玄
先生果屢陳老病乞歸恒州賜絹三百疋隨從弟子二
人給驛肩舁到恒州弟子一人放回一人相隨入山天
寶初明皇遣使徵果果聞輒卒弟子葬之後發棺但空
棺而已帝立棲霞觀祀之。

葉法善括蒼人世為道士嘗游白馬山石室遇二仙人授
以正一三五之法能厭劾怪鬼唐高宗召詣京師欲寵
以官不拜睿宗時拜鴻臚卿封越國公開元八年尸解



崔子玉

崔子玉名珽。蘄州彭城人。人稱為崔府君。以其晝理陽間。夜斷陰府也。初父讓。讓於祠。與母禱於衡岳。是夜母夢仙童擊一合。曰帝賜合中物。令汝大婦吞之。啓合見美玉二枚。夫婦各吞其一。覺而有娠。誕于隋大業二年六月六日。子玉見時。神采煥發。日誦千言。不窺群兒之戲。迥然自異。唐貞觀七年。應賢良科。除潞州長子縣令。發擿人鬼。無異神明。一日示諭居民。自五月望日。及望後一日。無得私宰獵射。時有潛出郭外。弋得兔一隻。為城吏搜執庭下。子玉訊之曰。若故犯禁。吾不能釋若。雖然。願即縣庭受罰。陰府受罰。弋人自揆。陰理幽遠。願於陰府言訖。輒令放還。是夜弋人方就梳。鬼一黃衣吏。拘至

一殿庭。見子玉王者冠服。檢諸犯罪狀。或促其年。或墮其後。或減損其祿位。弋人亦加決罰。令還。遂驚。夢覺悔恨無及矣。一日門吏白曰。雕黃嶺有虎。甚傷人。子玉即遣吏孟完。賫符牒至山廟。勾虎。虎即出。啣牒隨吏至縣。子玉責之曰。汝乃異類。而啖食人命。罪無赦。虎自觸階而死。太宗嘗呼為仙吏。無何復遷。令滏陽縣。縣西南五里有河。時忽汎漂民田。子玉於河上設壇。奏詞上帝。頃間見一巨蛇。浮於水面而死。水輒消去。一日子玉與楊叟奕。忽有黃衣數輩。執符而前曰。奉帝命。召崔子玉為磁州都土地。次有百餘人。捧玉珽。玉帶紫服碧冠。五岳位旗。簫韶盈耳。復有一神。控白馬至。曰。帝命即行。於是

子玉囑二子曰吾將去世無得過慟乃書百字銘以訓
二子若寢而逝年六十四安祿山反玄宗夜夢神人告
之曰賊當自滅陛下無恐帝問姓名對曰臣滄陽令崔
珏也帝還闕建廟封為靈聖護國侯宋高宗走鉅鹿時
馬斃冒雨獨行路遇三歧不知所適忽見一白馬前行
帝欲及乘之逐其後晚至一神祠見廡下有一土白馬
就視之汗出如雨因宿廡下夢紫袍人以杖擊地曰亟
行帝驚起飢甚正躊躇聞殿內有聲乃登殿觀像即夢
中見者祝板題云磁州都土地崔府君板後有一合內
有酒肉帝輒食之欲出向白馬復則導至斜橋谷始不
見遂遇耿南仲將兵數千來迎及南渡首為立廟



苗龍唐初人失其名能畫龍人以苗龍呼之後得道仙去
今紹興龍瑞宮東南一峯上平如砥相傳苗龍上昇處
羅通微臨晉人少採薪山中遇閻使君家習曰子骨法可
學長生遂冠褐五老山學步虛絕粒唐貞觀中一日謂
人曰我當歸明日大會士庶俄雷震地下青龍躍出遂
跨龍飛去

匡智長安人唐貞觀間棄妻子與姪大郎適廬山修道居
七日有老人曰廬山陰地也仙不可得南有名山可往
居之乃至吉州望見義山山神化為樵夫引入山中曰
此處安穩遂立壇修行數年忽降一仙衣智服之但見
足下雲生上昇而去大郎亦為地仙

匡大郎附





人少隨父令安喜更有能召鬼神者崇儼盡
以奇技自名唐高宗召見甚悅盛夏帝思雪崇
頃取以進云往陰山取之冬月帝憶瓜崇儼索百
錢須臾以瓜獻云得之緱氏老人圃中帝召老人問其
故曰埋一瓜失之土中得百錢

王旻居洛陽青羅山已數百歲唐開元中召至京待以優
禮復遣從李元靖求補仙書還請歸舊山不復入城市
嘗與達奚侍郎往還死後猶杖履詣達奚人始知其尸

解

卽王旻又作王旻
同異見后六卷

闌冲虚涪州人居於精思觀唐神龍乙巳秋一夕乘雲仙
去



卓善俊京兆人母王氏姪時每取血食則腹痛蔬食即無
恙既生至十三歲遂長齋遇道士韓元最授以秘要常
有二青童侍左右嗣聖中寓昇仙觀有神人厲聲曰子
何人輒來此宜速去善俊曰神人試我耳何相逼太甚
神人遂謝而去之嘗過壇墟店遇黑犬逶旋不去因畜
之呼為烏龍一日謂弟子曰吾百年學道今太上召我
我當去矣其犬忽長數丈化為黑龍善俊乘之而去
僕僕先生居黃土山中嘗餌杏丹乘雲往來唐刺史李休
光見以為妖令左右執之龍虎即見於其側先生乘之
而去天寶初因以仙居名縣

應夷節唐汝南人不喜茹葷性敏慧嘗游天台龍虎山師

馮惟良得上清大法栖真天台之道元院日誦黃庭大
洞二經為人致福數至感應忽一日沐浴入靜凝神三
日解化是日清香馥郁猿鶴悲鳴及就窆但空棺而已
王帽仙出入闌闌為人修弊冠因號王帽子暮則卧于涪
州天慶觀一夕尸解道士為葬之月餘自果州遺書致
謝

王遙江西鄱陽人得仙術治病不用符水針藥且以八尺
布帊敷之須臾病愈若有邪魅即畫地作獄叩石呼之
皆入獄中有一弟子負竹篋隨行嘗習風雨衣皆不濕
一日兩炬導入石室中有二人曰卿何為久住俗間答
曰當來乃還家自負竹篋而仙去。



通名山唐武后嘗召至之未幾去與陳子昂王維李
白孟浩然賀知章盧藏用宋之問王適畢構為四宗十
友睿宗復迎至京師問其術對曰為道日損損之又損
以至於無為帝曰治身則爾治國若何對曰身猶國也
故游心於淡合氣於漠與物自然而無容私焉則天下
治帝嘆詠曰廣成子之言何以加此辭歸天台盧藏用
指終南山曰此中大有佳處何必天台對曰以僕觀之
一是在宦之捷徑爾盧初隱終南後登庸聞言殊有慚色
時女貞有焦靜貞者泛海詣蓬萊求師至一山見道者
指言曰天台山司馬承禎名在丹臺身居赤城爾良師



也。靜真既還，詣承禎求度。未幾，先昇天。復降，謂薛季昌曰：「司馬先生得道，高於陶都水之任，當為東華上清真人。」開元中，文靖天師與承禎赴千秋節，齋直長生殿中。夜行道畢，隔雲屏各就枕。微聞若小兒誦經聲，玲玲如金玉。天師乃褰裳躡步聽之，見承禎額上有小日如錢，光耀一席，逼而視之，乃承禎腦中之聲也。天師還謂其徒曰：「黃庭經云：泥丸九真皆有房，方圓一寸處此中。」又云：「左神公子發神語，其先生之謂乎？」一日謂弟子曰：「吾于玉霄峯東望蓬萊，有靈真降駕，今為東海小清童君。東華君所召，必須牲餼，頃化去如蟬脫。弟子葬其衣冠焉。時年八十有九，玄宗親為撰碑，後人因名其所居曰。」

一、有修真秘旨。于地官府圖坐忘論、登真系等書，行於世，詔贈銀青光祿大夫，謚貞一先生。焦靜真附

魏廷直，唐南城人，第進士，嘗過武昌游黃鶴樓，忽遇異人，授以秘訣，自是不適。妻妾備然，端居後為鄧州通判，卒。其柩還鄉，昇者甚輕，蓋尸解去矣。

班孟，不知何許人，亦云女子也。服酒餌，丹年四百歲，色如少女，能飛行，能坐空虛之中，與人談語，又能入地中，初沒足，漸至腰及脅，鬢憤良久而盡沒，不見。又以指刻地，即成井，可汲。指人屋瓦，瓦即飛，嘗取人桑果數千株，衣之如山，十餘日吹之，各還其本處如故。又能含墨水，成文字，皆有意義。後入大冶山中仙去。

師通微不知何許人為道士神清氣爽游止無定常醉吟
于道多在豫章之間人見其容益壯於前一日登市樓
醉飲飛昇而去

黃華姑撫州臨川人姓黃名令微修道於井山年八十餘
顏如處子時人號曰黃華姑唐開元中戶解刺史顏真
卿撰仙壇碑載其事

有象列仙全傳卷之五終



